

«Ei dian ch'jeu seigi in pessimist cuntent»

Viseta tiel cartoonist Hans Moser a Laax

DAD AUGUSTIN BEELI

■ JüPa, Orlando, Fredy Sigg, Nico, Hans Moser, Pigo, Little Cowboy, Max Spring... Quels nums han connex cun ina certa lavur creativa. Sil pli tard cu ins arva ina gasetta ni revista dat quella en egl. Hans Moser s'auda denter ils pli enconuschents cartoonists dalla Svizra. La Quotidiana ha visitau el en siu dacasa a Laax. El sappi aunc seregurdar bein. Sia scolasta a New York schevi savens ch'el possedi da principi negins talents natirals. Mo zaco vegni el tuttina a serabitschar tras la veta era senza quels. Igl um che raquenta quella reminiscenza ha la finala collaborau tschuncont'onns per la revista satirica «Nebelspalter». La «Weltwoche», gie schizun l'inglesa «Herald Tribune» ed autras gasettas naziunalas ed internaziunalas s'udevan tier ses clients.

Quendischmelli Hans Mosers

Hans Moser ei aunc adina activs. Ses frestgs «raquens» dessignai dattan la tempra a products stampai. Sia nodacasa ein cartoons fins. Cungi cun bia ironia e sarcassem muossa el per exempel la situaziun cun pistas senza neiv, commentescha ils canuns. Temas preferi eran els onns siatonta ils quitaus pigl ambient e la destrucziun dalla natira. Gest siu liug da domicil, Laax, ei savens staus motiv ed inspiraziun per caricaturas.

Il premi Binding digl onn 1990, sia lavur ella Danemarca, pliras distincziuns cun medaglias e premis ell'Italia, ella Slovenia ed en Svizra cunterfan



Hans Moser en siu atelier ella Casa Mundaun a Laax: Cheu neschan dapi 1963 nundumbrevilas caricaturas e cartoons.

FOTO A. BEELI

all'opiniun dalla scolasta primara da New York. Zaco ha Hans Moser tuttina retschert en tgina in talent natiral.

Da principi ston ins conceder che siu num sco tal ei da principi propi nuot spectacular. Tgi che tscherca egl internet tiel cavazzin «Hans Moser» anfla circa 15 000 paginas. Ils cudischs da telefon dalla Svizra cuntengnan exact 997 registraziuns tier siu num. Il sulet Hans Moser da Laax enconuschant tuts, silmeins ils pli biars habitonts da quella vischnaunca. Il creader dil «Herr Schütich» dil Nebelspalter viva dapi 39 onns en Surselva. Sia casa el stil Maisen schai sur Laax, agl ur dalla via da Falera. Da cheu ano ha ella ina biala vest giu sil coc dalla vischnaunca turistica. Cun Laax ein Hans Moser e sia dunna Sonja colligiai ferm. Ei secape-

scha buca da sesez ch'els ein integrai e ch'els vegnan taxai sco vers indigens. Da cheu ano, en quei ambient cullas structurats pintgas e la gliעד semplia, lavura el dapi 1963 sco cartoonist independent.

«Laax ei sco ina gronda famiglia»

Ils geniturs da Hans Moser eran emigrati igl onn 1928 dalla Svizra ell'America. Il buobet ei daventaus American e cosmopolit. «All'entschatta parevi empau curios che mintga vitg possedevasias atgnadads», raquenta el. In eri catolics, l'auter reformaus, la gliעד era diversa d'in vitg a l'auter. Vid quellas particularitads ei Hans Moser dagitg s'endisau. El e sia dunna Sonja entaup'ins regularmeins a radunonzas communalas, sentupadas dils seniors,

alla radunonza d'ina uniun ni l'autra, alla meisa rodonda, ad ina vernissascha ni ad ina fiasta dil vitg. Hans Moser apprezzescha quella cuminonza. «Ils da Laax ein sco ina gronda famiglia, ins setegn ensemen», gi el.

Ins sesmarvegla cu Hans Moser raquenta che sia mumma discurrevi romontsch. Il cartoonist da Laax ha parents ell'Engiadina ed en Bregaglia. Il mistral Jules Roussette da Stampa seigi siu cusrin, raquenta el. Tras ina onda, la possessura dil hotel Fidazerhof a Flem, eran Hans Moser cun dunna Sonja e famiglia, vegni en Surselva.

Commentaris sensibels

D'ina suletta caussa sevilenta il cartoonist oz. «Ch'jeu haiel mai empriu da discuoer romontsch», s'exculpescha el. Hans Moser dominescha tschun lungatg: Igl engles ei siu lungatg principal, en quel patratga el. Plidond tudestg, il lungatg da ses geniturs svizzers, s'encorsch'ins ferm siu accent american. Hans Moser vesa buc mo ora sco in aventurier, el ei era in. Sco schuldau ell'uiara ha el empriu talian e pli tard el studi a Losanna franzos. La finala ha la Danemarca ina gronda impurtonza en sia veta. Sia dunna deriva da leu. Cu el ha viviu dils 1952 tochen 1963 ella Danemarca, ei il lungatg da quella tiara aunc vegnius vitier.

Sco igl autur d'in cudisch ni in schurnalist ei il cartoonist Hans Moser sestentaus da palesar alla gliעד la vart stgira dalla medaglia. Tschien e tschiens dessegns, forsa mellis e mellis, ha el fatg en sia veta. Mintgina vala sco fina admoniziun en fuorma da satira.

Ins sto surrir da ses dessegns che tucan la nota. In ni l'auter po el haver permalau cun sia moda expressiva. Cun Walter Gurtner hagi el denton adina giu ina relaziun amicabile, declara il cartoonist. Il pionier dall'Arena dallas Alps haveva inagada visitau Hans Moser en siu atelier. Walti hagi discurrevi e discurrevi senza calar, el sez seigi buca vegnius a plaid, raquenta igl artist. Cun dar adia hagi Walter Gurtner getg ch'ei seigi stau in plascher da discuoer inagada cun in intellectual. «Quei ch'jeu sundel secapescha mai staus», metta Hans Moser el clar. Il sempel convischin da Laax festivescha oz siu 80avel anniversari.

Cuort e bien

Num: Hans Moser

Naschiu: 13 da fevrer 1922

Domicil: Laax-Caplania, Casa Mundaun

Hobis preferi: Spassegjar ella natira, dessignar cartoons

Sport preferiu: Tennis

Bubronda preferida: In tec Whisky mintga gi fa bein.

Tratga preferida: Oravontut spisas vegetarijas, tut cun bia sosa.

Liug da vacanzas: Cornwall/Engeltiara. En quei cantun has ti igl entir mund davos tei.

Litteratura preferida: Historias cuortas, Art Buchwald, Jürg Feder-spiel.

Musica preferida: Glenn Miller, perioda dil swing dils onns trenta.